

Te uaia n taetae

Te uaia n takakaro ma am ataei ao memenam irarikia, e rang kakawaki ibukin baitin rabakauia n taetae. Ko aki manga bae ni karekea am tai ae okoro ibukin reireiaia.

Matakuakinia ao ongora irouia ataei ao kakaraki ma ngaiia ibukin baika a kan kakaraoi ke a tatangiri.

Mwaitin te taeka ae e ongo te ataei, bon kakorakoran rabakauna n reirei te taetae.



Kataetaeau n tainako e kakorakora au taetaenikawai, au taetae ao arou n reirei ao bon ngaia boton te rabakau n reirei te wareware.



E kona n reke bwainin kabwarabwaraan taian kakakoua i aon kukune ikai:

<https://tewhariki.tki.org.nz>



TE TĀHUHU O TE MĀTAURANGA
MINISTRY OF EDUCATION



TE TĀHUHU O TE MĀTAURANGA
MINISTRY OF EDUCATION

Talking Together

Te Kōrerorero

Te uaia n taetae



i-kiribati

Te Kāwanatanga o Aotearoa
New Zealand Government

Te uaia n taetae

Taetae n oin ami taeka

A kakai rabakau ataei n taetae ao a kakai rabakau naba taian taetae aika a mwaiti.

Oin am taetae e rang kakawaki ao e rang n ibuobuoki ibukin bitakin neweia ataei nakon taetae aika a boou.

E maan te reirei i aon te taetae. E ataki naba bwa ataei a rang wanawana ao a kai atai nanon taian taetae i mwain ae a kona n taekin ke n rabakau n taetae.

A ikoikoti taian taeka ataei ngkana a taetae. Aio bon aroia i nanon aia tai n reireinia n taetae.

I nanon taina, ao ataei a na rabakau n atai kakaokoron tein taian taetae ao a kona naba ni bita aia taetae ni kaineti ma antai ae a taetae nakoina.



Te kakaraki i marenami

Te kakaraki ma kataetaeieia ataei man uarerekeia e rang kakawaki ibukin rikiraken te iango ke te kaburoro.

A kona naba ataei ni kabonganai baika a boou n aron kanikina aika a kaota aia iango, katangan taeka, taian taeka ma kibuntaeka ao n reireinia naba n ataa aia tai n karaki ke n taetae.

Ko kona n reitanako te kakaraki n taekin baika a karaoi ataei ke a nori.

Imwin taetaem nakoia, angania aia tai ni kaekako ni bon oin aroia n taetae (ma tangin taeka, taian taeka ke kakamwakurin rabwataia).

Te takakaro ma taian taeka ao tangiia

Te takakaro ma taian taeka ao tangiia, e buokia ataei bwa a na kinai ao ni mwakuri tangin taeka aika a taekinaki, bon te mwaneka ae nang kakawaki ibukin reiakinaia ataei te wareware ao te koroboki.

Ko kona n takakaro ma tangin ke tiribwaren taeka i nanon te anene, te karaki, te kamatenano, kunaia ataei ae ko bon otoi ke ni katangtangi ao ai te karaki ni kamanga.

Te wareware ao te karaki

Aekaki ni boki nako ao karaki n ataei a bane ni kakawaki ibukin kukurein ao rabakaun te ataei taian taeka, mwakoro n taeka ao kabwarabwaran taian karaki.

Karakin kawai ao taai aika a na roko a rang ibuobuoki naba ibukin karikirakean ana iango ma ana atatai te ataei aron te aonnaba.

E rang tamaroa anganakia ataei aia tai ma aia boki n aron ae a bon kan karaoia, n te aro bwa a na ata kakawakin aia iango ao baika a nano iai.

N tabetai ao ataei a kan tatara riki ti teuana iteraniban te boki, a ti tarai tamnei ke a kan wawareka te boki teuana n tainako. Akea te kanganga ngkana e aki bane warekan teuana te boki.

Taetae aika a iri ma kabwarabwaraia

E rang ibuobuoki te kakaraki ma ataei i aon bwaai ni katoabong bwa e buokia n ataa aia aonnaba, e reireinia taeka aika a boou ma aron kabonganakia. E rang mwaiti baika ko kona ni karaoia ni buoka am ataei...

- » Taekin ao kabwarabwara bwa tera ae e riki i rarikim n te tai anne, riki baika a kona n nori ataei.
- » Kabwarabwara te bwai ae ko karaoia i nanon karaoana, n aron ae ko katereterea bwa tera ae ko karaoia i nanon am tai ni kuka.
- » Kabonganai raoi taeka ma araia ao kabonganai riki taeka aika titebo nanoia. N aron aio, “/ raumea te burawa n te raumea. / ioioia nakon te maing ao te angatai”.